

լինի. վասն զի բազում տեսութիւն ունի նորա նստելն ի այդ երկիրն. զոր Տէր Յիսուս օգնեցէ նմա իւր կարողութեամբն: Եւ Քրիստոսի մարդասիրին փառք յաւիտեանս. ամէն:

(Աղաչեմ զամենեսեան վասն խորտակեալ եղջերիս նորոգելոյ աղաչել զՏէր. — Զծոյլս ի բարիս և զարագս ի չարիս, զմեղսաներկ և զթշուառականս և զանվարժս, աղաչեմ յիշել ի Տէր. բայց վասն գրին անմեղադիր իերուք վասն Աստուծոյ, զի թանաքս ոչ էր բարի):

Եւ որպէս գրեալ կայ յառաջագոյն ի գրիս այսմիկ՝ զհալածումն և զհեղութիւն և զաւերումն ողորմելի Հայ ազգիս մերում, եթէ որպէս բռնութեամբ ուրացուցին և հաւատոյ հանին, և զեկեղեցիքն քանդեցին ի հիմանէ, և զամենայն սպառք և զանօթք եկեղեցոյ ափշտակեցին. զոր այդ պեղծ անօրէն Աղեքշանտրին հրամանաւն գործեցին զայս չափ ինչ, զոր ոչ կարեմ (ընդ) գրով արկանել այժմ զնոցա ամբարշտութիւն և զանօրէնութիւն: Զոր մարդասէրն և բարեգութն Աստուած յարոյց ի վերայ նոցա զայս արագահաս պատուհան, որ երկոտասան աւուր մէջն կորեան և անյայտ եղեն իբրեւ. զծուխ հրոյ. և թէպէտ փոքր մի ժամանակ բարձրացան այդ անորէնքն իբրեւ զմայրսն Լիբանանու, այլ իբրեւ զփոշի անցան. զոր տարաւ մրբիկ հողմոյ: Վասն որոյ գոհութիւն և փառք Աստուծոյ: Բայց Լուսաւորչին ողորմելի ազգն փոքր ի շատէ միսթարեցան Աստուծոյ ողորմութեամբն՝ զոր ետ նոցա Տէր Աստուած զայս ինչ միսթարութիւն, զոր տեսին իւրեանց թշնամիքն ցրուեալք և փախտականք, և տուն նոցա կործանեալ: Եւ զի հրամանաւն Աստուծոյ այս բարեպաշտ Տեսրոթն հաստատեցաւ իւր իշխանութիւնն ի վերայ երկրին այնմիկ. և զՀայ ազգն դարձոյց, և շնորհեաց նոցա զիւրեանց օրէնքն, որ Հայոց օրինօքն լինին համարձակ. և ոչ որ նոցա բան չխօսէ և կամ դատէ. ով որ զՀայ ազգն դատէ և կամ նախատէ վասն օրինացն, նայ ¹...

1562 Հայոց թվ. ՌԺ. Իւովի արհի եպիսկոպոսն ԳԺԵօնց Թարլոյ եկաւ ի Կամենից. և մեք Հայոց քահանայքս գնացաք ի մօտն՝ ընծայելք. և քան զչափն աւելի ընդունեց զմեզ:

Եւ ապա եկն մեր արհի եպիսկոպոսն Տէր Գրիգոր ի Կամենիցս, որ է աթոռակալ ամենայն Հայոց, որչափ մեն է Նեմեշի երկիր: (Ամենայն Հայոց մերազգեաց որք ի Գերմանիա):

1562 Հայոց թվ. ՌԺ. Նոյեմբ. ԺԳ. Փառք Աստուծոյ Հօր անմահի, և Որդւոյն Աստուծոյ Միածնի, և Ս. Հոգոյն Աստուծոյ ճշմարտի:

1562 թվ. ՌԺԱ. Սարգիս տամղանին առ Աստուած փոխեցաւ, Աստուած ջնջէ զիւր մեղքն զոր գործեալ է կամաւ և ակամայ: — Եւ ի նոյն ամին պարոն Գուկալ պէկն ի Աստուած փոխեցաւ. և ի նոյն ամին զօրդին իւր

1. Բառ մի կամ երկու պակսի պատճառաւ թղթին պատուման. թերեւս ըլլայ «նոյն»: